

"মিষ্টি বাচ্চারা :- তোমাদের পড়া হলো বুদ্ধির, এই বুদ্ধিকে শুদ্ধ করার জন্য প্রবৃত্তিতে অনেক যুক্তির সঙ্গে চলতে হবে, খাওয়া - দাওয়ার সাবধানতা অবলম্বন করতে হবে।"

প্রশ্ন :- ঈশ্বরের কাজ খুব আশ্চর্যজনক আর গুপ্ত কিভাবে ?

উত্তর :- প্রত্যেকেরই কর্মের হিসেব - নিকেশ শোধ করার কাজ খুবই আশ্চর্যজনক আর গুপ্ত। কেউ নিজের পাপ কর্ম যতই লুকোবার চেষ্টা করুক না কেন কিন্তু লুকানো যায় না। সাজা অবশ্যই ভোগ করতে হবে। প্রত্যেকেরই খাতা ওপরে থাকে, তাই বাবা বলেন--- বাবার হওয়ার পরে কোনো পাপ হয়ে গেলে, সত্য কথা বলে দিলে তা অর্ধেকই মার্ফ হয়ে যাবে। সাজা কম হয়ে যাবে। তাই লুকিও না। বলা হয় যে খড়কুটো যে চুরি করে সে যেমন চোর, লাথ টাকার চোরও তেমনই। লুকালে ধারণা হবে না।

ওম্ শান্তি। তোমরা কার স্মরণে বসেছ ? বাচ্চারা বোঝে যে মাতা - পিতা, বাপদাদা এখনই আসবে, এসে আমাদের আশীর্বাদী বর্ষা দেবে। বাবার থেকে আমরা আবার আগের পাঁচ হাজার বছরের মতো স্বর্গের আশীর্বাদী বর্ষা নিচ্ছি। প্রত্যেকের মনেই তো এই কথা আছে, তাই না। এখন এই নরক রূপী খড়ের গাদায় আগুন লাগবে। এই দুনিয়ার লোকের সাথে তোমাদের কোনো সম্বন্ধ নেই। তোমাদের জন্য এই জ্ঞানও গুপ্ত তাই আশীর্বাদী বর্ষাও গুপ্ত। লৌকিক বাবার আশীর্বাদী বর্ষা তো প্রত্যক্ষ হয়। লৌকিক বাবার এই সম্পত্তি চোখে দেখা যায়। বাবাকেও দেখা যায় আর বর্ষাকেও দেখা যায়। এখন আমাদের আত্মাও গুপ্ত। এই চোখ দিয়ে না আত্মাকে আর না পরমাত্মাকে দেখা যাবে। লৌকিক সম্বন্ধে নিজেকে শরীর মনে করে, আর অন্যকেও শরীর মনে করে এই চোখের সাহায্যে দেখে, আর এই শরীর দানকারী বাবাকেও দেখতে পায়। শিক্ষক বা গুরুকেও দেখতে পায় কিন্তু এখানে বাবা, শিক্ষক এবং গুরু এই তিন রূপে বাবা হলেন গুপ্ত। বাচ্চারা জানে যে, আমরা আত্মারা এখন জ্ঞানের তৃতীয় নয়ন প্রাপ্ত করেছি। আগে এই তৃতীয় নয়ন ছিলো না। আত্মা তখন ঘুমন্ত অবস্থায় ছিল। এখন বাবা আত্মাদের জাগাচ্ছেন, তাই আত্মারাও মালিকে পরিণত হচ্ছে। আমাদের বুদ্ধিও বলে যে আমরা অনেকবার বাবার থেকে আশীর্বাদী বর্ষা নিয়েছি -- অর্ধেক কল্পের জন্য। আবার অর্ধ কল্প আমরা হারিয়ে ফেলি। আবার নতুন করে আমরা নিজেদের রাজধানী স্থাপন করছি। শ্রীমত প্রদানকারীও গুপ্ত। তোমাদের আত্মাও জানে যে আমরা পরমপিতা পরমাত্মার থেকে গুপ্ত রূপে এই জ্ঞান শুনছি। আত্মা - অভিমানী অবশ্যই হতে হবে। প্রথমে আত্মা, তারপরে শরীর। আত্মা অবিনাশী আর বাবাও অবিনাশী। বাবা যাঁর শরীর আশ্রয় করেন, তিনি বিনাশী। এই শরীরে এসেই তিনি বাচ্চা - বাচ্চা বলে ডাকেন আর মনে করিয়ে দেন যে আমি এসেছি তোমাদের দৈবী সত্যযুগী স্বরাজ্যের জন্য পুরুষার্থ করতে। এই পুরুষার্থও সম্পূর্ণ করতে হবে। সত্যযুগে কেবল তোমাদেরই রাজ্য থাকবে। তোমরাই সেখানে রাজত্ব করতে। তারপর পুনর্জন্ম তো নিতেই হয়। যারা শ্রীকৃষ্ণের বংশাবলী বা দৈব কুলের তারাই থাকবে। দ্বিতীয় আর কেউই থাকবে না। চন্দ্রবংশীদেরও কেউ থাকবে না। এ তো বোঝার জন্য খুব সহজ কথা। বরাবর সত্যযুগে কোনো ধর্মই ছিলো না। এখন তো অনেক ধর্ম, নিজেদের মধ্যে তারা লড়াই - ঝগড়া করে। অনেক তালি বাজতে থাকে। সত্যযুগে ধর্মও এক তাই তালি বাজে না। তাই তোমরা বাচ্চারা গুপ্তভাবে তোমাদের রাজধানী স্থাপন করছো। প্রত্যেকেই বলবে যে আমরা আমাদের রাজ্যে উচ্চ পদ পাওয়ার জন্য পুরুষার্থ করছি। তাই এই বাহাদুরীরও

প্রয়োজন। তোমাদের নামই হলো শিবশক্তি, বাঘের উপর কেউই বসে না, শক্তির মহিমা দেখানোর জন্যই তাঁকে বাঘের উপর বসা দেখানো হয়েছে। তোমরা তো কখনোই বাঘের উপর বসো না। তোমরা তো মায়াকে জয় করবে। তোমরা এই বীরত্ব দেখাও তাই তোমাদের নাম শিবশক্তি সেনা রাখা হয়েছে। যদিও গোপরাও আছে, কিন্তু বেশিরভাগ মায়েদেরই ভূমিকা। অপবিত্র প্রবৃত্তিমার্গ থেকে পবিত্র প্রবৃত্তিমার্গে তোমরাই নিয়ে যাও। তোমরা জানো যে সত্যযুগ বিষ্ণুপুরীতে আমরা খুব সুখী ছিলাম। পবিত্রতা, সুখ, শান্তি সবকিছুই সেখানে ছিলো। এখানে তো কতো দুঃখ। ঘরে যদি কুপুত্র থাকে তাহলে কতো বিরক্ত করে। ওখানে তো সর্বদা খুশীতেই থাকে। তোমরা জানো যে বেহদের বাবা আবার বেহদের সুখ দিতে এসেছেন। বাবা বলেন যে, যদিও গৃহস্থ ব্যবহারে থাকো তবুও বুদ্ধিতে এই কথা ধারণ করো -- এ তো বুদ্ধির পড়া। ঘরে থেকে বাবার শ্রীমতে চলো। খাওয়া - দাওয়ারও প্রভাব পরে তাই অনেক যুক্তির সাহায্যে চলতে হবে। প্রত্যেকেরই কর্মবন্ধন তাদের নিজের। কেউ বন্ধনে আছে আবার কেউ বন্ধনমুক্ত। কেউ কেউ আবার জ্ঞানের গুণগুণ করে ছেড়েও দেয়। যুক্তি দিয়ে তো অনেক ভাবেই বোঝানো হয়। বলা বাবার নির্দেশ হলো পবিত্র হও, আমি তোমাদের ভক্তির ফল দিতে এসেছি। তাই অবশ্যই ভগবানের মতে চলতে হবে তাহলেই সাজা না খেয়েই আমরা জীবনমুক্তিতে যেতে পারবো। জন্ম - জন্মান্তরের বোঝা মাথার উপর আছে। বাবা যেমন এক সেকেন্ডেই মুক্তি বা জীবনমুক্তি দেন, তেমনই সাজাও এক সেকেন্ডেই দেন, কিন্তু অনেক সময় ভোগ করতে হয়। যেমন কাশী কলবটের কথা আছে, হিসেব - নিকেশ শোধ করার জন্য তারা অল্প সময়ে অনেক সাজা খায়। তোমাদের তো সাজা ছাড়াই হিসেব - নিকেশ শোধ করতে হবে তাই এমন পুরুষার্থ করতে হবে যাতে সাজা না খেতে হয়। বাবাকে স্মরণ করা খুব ভালো। বিনাশ যে সামনে উপস্থিত। বিনাশ কালে পাণ্ডবদের প্রীত বুদ্ধি। বাবা সামনে এসেই এই প্রীত বুদ্ধির পরিচয় রেখেছেন। বাকি অন্যদের সঙ্গে প্রীতি রেখে কি করবে? এখন সবই শেষ হয়ে যাবে। এক বাবাকে স্মরণ করার তীব্র পুরুষার্থ করতে হবে। বাইরে থেকে মিত্র - সম্বন্ধীদের কুশল জিজ্ঞেস করতে পারো কিন্তু মনে এক বাবা। দেহের সম্বন্ধে যারা প্রেমিক - প্রেমিকা তারা ঘরে থেকে একে অপরকে স্মরণ করে। তোমরা হলে শিববাবার আশিক। তিনি তোমাদের সম্মুখে আছেন। তিনি তোমাদের স্মরণ করেন, তোমরাও তাঁকে স্মরণ করো। শিববাবা এই শরীরে এসে আত্মাদের বিবাহ - বন্ধন নিজের সঙ্গে করান। একে বলা হয় আত্মাদের, পরমপিতা পরমাত্মার সঙ্গে কল্যাণকারী মেলা। তোমরা হলে জ্ঞান - গঙ্গা। আর জ্ঞান - সাগর বাবা হলেন একজনই। সেই বাবাকে স্মরণ করলেই বিকর্মের বিনাশ হবে। বাবা আর কোনো পরিশ্রম করান না কেবল পবিত্র থাকতে হবে। কাম হলো মহাশত্রু, একে জয় করতে পারলেই তোমরা কৃষ্ণপুরীর মালিক হতে পারবে। বাবার আদেশ হলো, পবিত্র হতে পারলে ২১ জন্মের রাজত্ব পাবে। পতিত হওয়ার থেকে তো বাসন মেজে থাকা ভালো। কিন্তু দেহ - অভিমান না যাওয়ার কারণে তোমরা এই আশীর্বাদী বর্সাকেও হারিয়ে ফেলো। তোমরা দেখো যে বাবা কতো উদার, তিনি এই পতিত দুনিয়া আর পতিত শরীরেই এসেছেন। শিববাবাকে সোমনাথ মন্দিরে পূজা করা হয়। সেই বাবা দেখো এই সময় কতো সাধারণ অবস্থায় বসে আছেন। এখন পরমাত্মা স্বয়ং শিক্ষা দিচ্ছেন, এই মতে না চললে তোমাদের পদ প্রাপ্তিতে গম্ভী টানা হয়ে যাবে।

বাবা বলেন, বাচ্চারা, পবিত্র হও। এখন সকলেই ব্যভিচারী। শ্রেষ্ঠাচারী তাদেরই বলা হয় যারা পবিত্র থাকে। গভর্নমেন্ট সন্ন্যাসীদের দল তৈরী করেছেন, যে তোমরা সবাইকে শ্রেষ্ঠাচারী করে তোলো। কিন্তু একমাত্র সত্যযুগেই সকলে শ্রেষ্ঠাচারী হয়। এখানে তা কেউই হতে পারে না। পবিত্রকেই শ্রেষ্ঠ বলা হয়। সন্ন্যাসীরা পবিত্র তবুও তারা অপবিত্রদের থেকে জন্মগ্রহণ করে কেননা এ হলো মায়ার রাজ্য।

এখানে কেউই যোগবলের দ্বারা জন্মায় না। বাবা বাচ্চাদের বোঝান, তোমাদের মন সবসময় পরিচ্ছন্ন রাখা উচিত। সামান্য অহংকারও যেন না থাকে। সম্পূর্ণ গরীব থাকা তাও ভালো। বাবা হলেন গরীবের ভগবান, বাহ গরিবী বাহ। এই গরীবদেরই সাহকার বানাতে হবে। বাবা বলেন, আমি ভারতকে গরীব থেকে সাহকারে পরিণত করি।

ভারতবাসীরাই তা হবে আর তারাই হবে যারা এই শ্রীমতে চলবে। তারাই স্বর্গের মালিক হতে পারবে। বাবা কৃষ্ণপুরী বা স্বর্গের মালিক বানানোর জন্য তোমাদের সহজ রাজযোগ শেখান। বাবার নির্দেশ হলো পবিত্র হও আর কোনো মানুষকেই গুরু মেনো না। এই পবিত্রতার উপরই বেশী খিটমিট লেগে থাকে। কাউকে যদি মারধোর করা হয় বা ঘর থেকে বের করে দেওয়া হয় তখন সে কি করবে? বাবা তাকে শরণ দেন, তবে এমন নয় যে বাবার কাছে এসে সম্বন্ধীদের মনে পড়তে থাকলো আর নিজের ক্ষতি করতে থাকলে। তখন দুই জায়গা থেকেই তোমাদের বের করে দেওয়া হয়। জ্ঞানের ধারণা না হলে তোমরা শুধরাবে না। পুরানো চালেই চলতে থাকে। এখানে তো কোনো পাপই করা উচিত নয়। তোমাদের তো পুণ্য আত্মা হতে হবে। শ্রীমতের আধারে নিজেকে জিগ্গেস করো -- এ পাপ না পুণ্য? বাবা বোঝান যে, যা পাপ করেছে তা বাবাকে বলে দিলে অর্ধেক পাপ দূর হয়ে যাবে। অনেক বাচ্চা বলে, আমরা এই করেছি। এ দোষ, অমুকের দ্বারা পতিত হয়ে গেছি। বাবা তো জানেন যে কতো বিকর্ম করেছে। তিনি বোঝান, এখন কোনো পাপ করো না, নাহলে সাজা শতগুণ বেড়ে যাবে তখন ধর্মরাজপুরীতে সাক্ষাৎকার করানো হবে। তুমি এই এই পাপ করে লুকিয়ে রাখতে। কিন্তু লুকানো তো যেত না। যদিও তোমরা দেখতে না কিন্তু বাবা তো ভালোভাবেই জানতো। ধর্মরাজের কাছে সমস্ত খাতা থাকে। এই ঈশ্বরীয় কাজ হলো খুবই আশ্চর্যজনক আর গুপ্ত। বলা হয় না -- অবশ্যই কোনো পাপ করেছিলো তাই পরের জন্মে ছি ছি ঘরে জন্ম হয়েছে। তাহলে অবশ্যই তা জমা হয়। ওপরে খাতা তো আছে তাই না। এখন সেই খাতা এখানে আছে তাই বাবা বোঝাতে থাকেন, এখন কোনো পাপ করো না। খড়কুটোর চোর আর লাখ টাকার চোরকেও একই বলা হয়। বোঝা উচিত যে আমরা অনেক বড় পাপ করছি তাই পদব্রষ্ট হয়ে যাবে। ধারণা না হলে এই ঈশ্বরীয় সেবা করতে পারবে না, অন্যেরও তো কল্যাণ করতে হবে। এমনভাবে সময় নষ্ট করলে, পাপ করতে থাকলে পদও কম প্রাপ্ত করবে। তখন কল্প - কল্পান্তরের জন্য সেই পদ হয়ে যাবে, তাই যতটা সম্ভব পুরুষার্থ করতে হবে। জিগ্গেস করা হয় -- বাবার কাছে কেন এসেছো? বলে -- সূর্যবংশী রাজধানীর আশীর্বাদী বর্ষা নিতে, তাহলে তো অবশ্যই শ্রীমতে চলতে হবে। দেখতে হবে, আমার দ্বারা কোনো খারাপ কাজ বা পাপ হয়ে যায় নি তো? নাহলে শতগুণ দণ্ড ভোগ করতে হবে, তখন গিয়ে দাসদাসী হবে। এরজন্য এখানে থোড়াই এসেছো। যখন মাঝা - বাবা বলো তখন নর থেকে নারায়ণ তো হওয়া উচিত, তাই না। ধারণা ছাড়া কি করে পদ পাবে। মাঝা - বাবা বলে সেই মা - বাবার কোলে যদি না বসো তাহলে বুঝতে হবে সম্পূর্ণ পড়া পড়ো না। মাঝা - বাবা তো নর থেকে নারায়ণ আর নারী থেকে লক্ষ্মী হন, তাই না। তোমাদেরও বাবা সেই পড়াই পড়ান। তাই বাবার থেকে সম্পূর্ণ বর্ষা নেওয়া উচিত। অনেকেই আছে যারা লুকিয়ে পাপ করে কিন্তু বলে না। যতোই বোঝাও তবুও ছাড়ে না। চোরের অভ্যাস তৈরী হয়ে গেলে, চুরি ছাড়া, মিথ্যা ছাড়া থাকতেই পারে না। সত্য বাবার কাছে সত্য কথাই বলা উচিত। বাবাকে বলা উচিত যে আমার দ্বারা এই পাপ হয়ে গেছে, আমাকে ক্ষমা করো। মায়া পাপ করিয়ে নিয়েছে। আচ্ছা, তবুও সত্যকথা বললে পাপ অর্ধেক মাফ হয়ে যাবে। নাহলে পাপ বাড়তেই থাকবে। কেউ কেউ বলে কাজ - কারবারে পাপ হয়ে থাকে। ব্যবসায়ীরা যখন পাপ করে তখন তাদের ঘাম বের হতে থাকে যে কিভাবে এই পাপ কম

করা যায় । পাপ করে আবার টাকা পুণ্য কাজে লাগানো, সেও ভালো । ডুবন্ত নৌকা থেকে যদি লোহাও বের হয়, সেও ভালো । এই বাবা যখন স্বর্গের স্থাপন করছেন তখন সব পুণ্যতেই যাবে । যারা দান - পুণ্য করে তাদের তো প্রাপ্তি হয় । বাবা প্রত্যেককে বুকিয়ে বলেন, বাবা প্রত্যেক বিষয়ে তাঁর মতামত দেন, তাই বাচ্চাদের এমন কাজ করা কখনোই উচিত নয় । কিন্তু মায়া ছাড়ে না । ভালো ভালো জিনিস দেখলেই খেয়ে ফেলে বা উঠিয়ে নেয় । এমন এমন পাপ কর্ম করে নিজের পদই ব্রষ্ট করে নেয় । কোনো কোনো বাচ্চা আবার বাবা - বাবা বলে তারপর হাত ছেড়ে দেয় । বাবার হাত ছেড়ে দিলে তখন কি হাল হবে ? মায়া তখন কাঁচা খেয়ে ফেলবে, তখন তারা আর কড়িতুল্যও থাকবে না । নম্বরের ক্রমানুসার তো থাকবেই, তাই না । সুখধামে কেউ রাজত্ব করবে, কেউ আবার সাধারণ হবে । সেখানে তো দাসদাসীও থাকবে । এখন বাচ্চার তোমরা বেহদের বাবার কাছ থেকে বেহদের সুখের বর্সা পাচ্ছো, তাই বাবার শ্রীমতে চলে সম্পূর্ণ বর্সা নাও । মৃত্যু তো সামনেই উপস্থিত । এখানে তো অকালে মৃত্যু হতেই থাকে । এরোপ্লেন পড়ে গেলে সব মানুষ মরে যায় । কেউ কি জানতো যে এইসব হবে । মৃত্যু শিয়রে উপস্থিত তাই চেষ্টা করে বাবার থেকে সম্পূর্ণ আশীর্বাদী বর্সা নেওয়া উচিত । শ্রীমতে চলে শরীর নির্বাহের জন্য অবশ্যই কাজ করো । সাথে সাথে এই পড়াও করো । বাবা তো সব যুক্তি বলে দেন । পুরুষার্থ করে অবশ্যই পবিত্র থাকতে হবে । ঝাড়ু দেওয়া, বাসন মাজা খুবই ভালো অপবিত্র হওয়ার থেকে । কিন্তু দেহী - অভিমাত্রী হতে হবে । পবিত্রতার মান তো আছে, তাই না । পবিত্র না হলে পদও পাবে না । এইসব কথা বাচ্চাদের বোঝানো হয় । বাচ্চাতো বৃদ্ধি পেতে থাকবে । প্রজাও অনেক তৈরী হবে । একজন রাজার তো হাজার আন্দাজে প্রজা চাই । রাজা হওয়াতে পরিশ্রম আছে । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) এই বিনাশকালে সত্যিকারের মনের প্রীতি এক বাবার সাথে রাখতে হবে । একের স্মরণেই থাকতে হবে ।

২) সত্য বাবার সাথে সর্বদা সততা বজায় রাখতে হবে । কোনো কিছুই লুকানো যাবে না । দেহী - অভিমাত্রী থাকার পরিশ্রম করতে হবে । কখনোই অপবিত্র হবে না ।

বরদান :- মহাবীর হয়ে সমস্ত সমস্যার সমাধান করে সদা নির্ভয় আর বিজয়ী হও ।

যে মহাবীর সে কখনোই এই বাহানা করবে না যে পরিস্থিতি এমন ছিলো, সমস্যা এমন ছিলো তাই হেরে গেছি । সমস্যার কাজ হলো আসা আর মহাবীরের কাজ হলো সমস্যার সমাধান করা না কি হেরে যাওয়া ? সেই মহাবীর যে সদা নির্ভয় হয়ে বিজয়ী হয়, ছোটোখাটো বিষয়ে দুর্বল হয় না । মহাবীর, বিজয়ী আত্মারা প্রতি কদমে শরীর আর মনে খুশী থাকে, তারা কখনোই উদাস হয় না, তাদের কাছে স্বপ্নেও দুঃখের ডেউ আসতে পারে না ।

স্লোগান :- সবার প্রতি সদা কল্যাণের ভাবনা থাকবে -- এই হলো জ্ঞানী, যোগী আত্মার লক্ষণ ।